

Հավելված

ՀՀ ոստիկանության կրթահամալիրի պետի
ՀՀ << 13 >> 2015թ.
թիվ 111-Ա հրամանի

ԿԱՐԳ

**ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱՅԻ ՍՈՎՈՐՈՂՆԵՐԻՆ
ԳԻՏԱՀԵՏԱԶՈՏԱԿԱՆ ԱՇԽԱՏԱՆՔՆԵՐՈՒՄ ԸՆԴԳՐԿԵԼՈՒ ԵՎ
ԳԻՏԱԿԱՆ ԽՄԲԱԿՆԵՐԻ ԳՈՐԾՈՒՆԵՈՒԹՅԱՆ**

1. ԸՆԴՀԱՆՈՒՐ ԴՐՈՒՅԹՆԵՐ

1.1. ՀՀ ոստիկանության կրթահամալիրի ակադեմիայի սովորողներին գիտահետազոտական աշխատանքներում ընդգրկելու և գիտական խմբակների գործունեության կարգը (այսուհետ՝ կարգ) կարգավորում է ՀՀ ոստիկանության կրթահամալիրի ակադեմիայի սովորողներին գիտահետազոտական աշխատանքներում ընդգրկելու գործընթացը և ՀՀ ոստիկանության կրթահամալիրի ակադեմիայի սովորողների գիտական խմբակների (այսուհետ՝ գիտական խմբակներ) գործունեությունը:

1.2. ՀՀ ոստիկանության կրթահամալիրի ակադեմիայի սովորողներին գիտահետազոտական աշխատանքներում ընդգրկելու և գիտական խմբակների գործունեության ընդհանուր ղեկավարումն իրականացնում է ՀՀ ոստիկանության կրթահամալիրի գիտական աշխատանքների բաժինը:

1.3. Կարգի մեջ փոփոխություններ և լրացումներ կատարվում են ՀՀ ոստիկանության կրթահամալիրի պետի հրամանով:

**2. ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱՅԻ
ՍՈՎՈՐՈՂՆԵՐԻՆ ԳԻՏԱՀԵՏԱԶՈՏԱԿԱՆ ԱՇԽԱՏԱՆՔՆԵՐՈՒՄ
ԸՆԴԳՐԿԵԼՈՒ ԵՎ ԳԻՏԱԿԱՆ ԽՄԲԱԿՆԵՐԻ ԳՈՐԾՈՒՆԵՈՒԹՅԱՆ
ՆՊԱՏԱԿԸ ԵՎ ԽՆԴԻՐՆԵՐԸ**

2.1. ՀՀ ոստիկանության կրթահամալիրի ակադեմիայի սովորողներին գիտահետազոտական աշխատանքներում ընդգրկելու և գիտական խմբակների գործունեության նպատակն է ՀՀ ոստիկանության կրթահամալիրի ակադեմիայի սովորողների ստեղծագործական մտածողության զարգացումը, մտահորիզոնի ընդլայնումը, նրանց կողմից ինքնուրույն գիտահետազոտական աշխատանքի հմտություններ ձեռք բերելը, ինչպես նաև ՀՀ ոստիկանության համակարգի գիտամանկավարժական կադրերի պատրաստման համար թեկնածուների հետազա ընտրությունը:

2.2. ՀՀ ոստիկանության կրթահամալիրի ակադեմիայի սովորողներին գիտահետազոտական աշխատանքներում ընդգրկելու և գիտական խմբակների գործունեության խնդրներն են՝

- ա) սովորողների մոտ ինքնուրույն գիտահետազոտական գործունեության և համատեղ գիտական աշխատանքի կատարման հմտությունների ձևավորումը,
- բ) սովորողների մոտ իրենց գիտելիքները շարունակաբար խորացնելու պահանջմունքի ձևավորումը և գործնական աշխատանքում դրանք ստեղծագործորեն կիրառելու հմտության զարգացումը,
- գ) այլ բուհերի ուսանողական գիտական կազմակերպությունների հետ համագործակցության հաստատումը,
- դ) գիտամանկավարժական կադրերի պատրաստման համար թեկնածուների պատրաստումն ու ընտրությունը,
- ե) ոստիկանության գործունեության հետ կապված հիմնախնդիրների քննարկումը:

3. ԳԻՏԱԿԱՆ ԽՄԲԱԿՆԵՐԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

- 3.1. Գիտական խմբակները ստեղծվում, վերակազմակերպվում և լուծարվում են ՀՀ ոստիկանության կրթահամալիրի պետի հրամանով:
- 3.2. Գիտական խմբակ ստեղծելու մասին հրամանում նշվում է կրթահամալիրի այն ամբիոնը (ամբիոնները), որին կից ստեղծվում է գիտական խմբակը, գիտական խմբակի անվանումը և գիտական խմբակի ղեկավարը:
- 3.3. Գիտական խմբակ ստեղծելու մասին հրամանի հիման վրա մինչև սեպտեմբերի 5-ը ամբիոնի (ամբիոնների համատեղ) նիստում հաստատվում է գիտական խմբակի կազմը, գիտական խմբակի ավագը և գիտական խմբակի աշխատանքների տարեկան պլանը: Ամբիոնի նիստի արձանագրության քաղվածքը ներկայացվում է ՀՀ ոստիկանության կրթահամալիրի գիտական աշխատանքների բաժին:
- 3.4. Գիտական աշխատանքների բաժնի կողմից մինչև սեպտեմբերի 10-ը կազմվում է ՀՀ ոստիկանության կրթահամալիրի գիտական խմբակների աշխատանքների ընդհանուր տարեկան պլանը, որը հաստատվում է ՀՀ ոստիկանության կրթահամալիրի պետի առաջին տեղակալի կողմից:
- 3.5. Գիտական խմբակի կողմից ուսումնական տարվա ընթացքում կատարված աշխատանքի արդյունքները մինչև հուլիսի 10-ը ամփոփվում են ամբիոնի (ամբիոնների համատեղ) նիստում: Ամբիոնի նիստի արձանագրության քաղվածքը ներկայացվում է ՀՀ ոստիկանության կրթահամալիրի գիտական աշխատանքների բաժին:
- 3.6. Գիտական աշխատանքների բաժնի կողմից մինչև հուլիսի 15-ը կազմվում է ՀՀ ոստիկանության կրթահամալիրի գիտական խմբակների աշխատանքների ընդհանուր տարեկան հաշվետվությունը, որը քննարկվում է ՀՀ ոստիկանության կրթահամալիրի գիտական խորհրդի նիստում:
- 3.7. Գիտական խմբակի կազմում կամավորության սկզբունքով ընդգրկվում են ՀՀ ոստիկանության կրթահամալիրի ակադեմիայի բակալավրիատի և մագիստրատուրայի բարձր առաջադիմություն և գիտահետազոտական աշխատանքի հակվածություն ունեցող սովորողները: Գիտական խմբակի կազմում ընդգրկվում են առնվազն 5 սովորողներ:
- 3.8. Ուսումնական տարվա ընթացքում գիտական խմբակի կազմը կառուցվում է

4. ԳԻՏԱԿԱՆ ԽՄԲԱԿՆԵՐԻ ԳՈՐԾՈՒՆԵՈՒԹՅԱՆ ՈՒՂՂՈՒԹՅՈՒՆՆԵՐԸ ԵՎ ԱՐԴՅՈՒՆՔՆԵՐԸ

- 4.1. Գիտական խմբակների գործունեության հիմնական ուղղություններն են՝
- ա) գիտական հետազոտությունների իրականացումը,
 - բ) մասնակցությունը գիտական կոնֆերանսների, կլոր սեղան-քննարկումների, վիկտորինաների և գիտական աշխատանքների մրցույթների կազմակերպմանը և անցկացմանը,
 - գ) գիտնականների և փորձառու պրակտիկ աշխատակիցների հետ հանդիպումների կազմակերպումը և մասնակցությունը:
- 4.2. Գիտական խմբակների գործունեության արդյունքները կարող են՝
- ա) ներկայացվել գիտական կոնֆերանսին կամ կլոր սեղան-քննարկմանը զեկույցի ձևով,
 - բ) ընդգրկվել գիտական աշխատանքների ժողովածուի մեջ,
 - գ) ներդրվել կրթահամալիրի ուսումնական գործընթացում: